

**PRÈMIU DE LITERADURA IN  
LIMBA SARDA**

*“Literadura Sarda in Milis”*

Prima editzioni 2010

Comuni de Milis



# REGOLAMENTU E BANDU

## 1. Partetzipantis.

Su cuncursu est liberu e de badas, abertu a is iscritoris in limba sarda.

## 2. Setzionis.

Su cuncursu “*Literadura sarda in Milis*” est pratziu in batru setzionis:

- a) Setzioni de Poesia Sarda Inèdita, aberta a totus;
- b) Setzioni de Prosa Sarda Inèdita, aberta a totus;
- c) Setzioni Iscolas, Poesia e Prosa Sarda, aberta a is pipius de is Iscolas Primàrias e a is pitzocheddu de is Iscolas Segundàrias de Primu Gradu;
- d) Setzioni Sardigna, de Poesia e Prosa Inèdita, aberta a totus.

## 3. Is òperas amìtias.

Si podit partetzipai cun un’òpera seti po ònnia setzioni.

Po sa setzioni c), po is iscolas, est atzetada prus de un’òpera de parti de sa pròpia Scola, segundu su livellu de istrutzioni.

Funt amìtias a su prèmiu totu is formas de poesia in rima (terzinas, cuartinas, sestinas, otavas, sonetus, modas, mutetus, e atrus puru) e a versus sotus, bastit chi non siant prus mannas de 50 versus in totu e chi siant inèditas

Funt amìtias òperas in prosa de ònnia tipu, ma non depint essi prus mannas de 20.000 caràteris (tipu: *times new roman*, mannària: 12) , spàtzius inclùdius, bastit chi siant inèditas.

## 4. Temas.

Is temas chi si podint tratai me is òperas funt a pragheri de is iscritoris po is primas 3 setzionis; invetzi, in sa quarta setzioni si depit iscri a susu de sa limba e de sa cultura sarda.

## 5. Giudìtziu de sa Cummissioni.

Non si podit andai contras a su chi detzidit sa Cummissioni chi at a cuntrollai is òperas.

Sa Cummissioni at a seberai, chi ddui funt, intra de is partetzipantis amìtius, a su mancus 4 finalistas po ònnia setzioni e, intra de custus, 2 chi ddu meritant su prus ant a essi nomonau binchidoris.

Una o prus propositzionis de mèritu ant a podi essi assinnias a atras òperas cunsideradas bàllidas.

## 6. Giuria.

Sa Cummissioni tenit su còmputu de cuntrollai is òperas chi arribant.

Sa Cummissioni at a essi cumposta de zenti de esperièntzia provada, capatzidadi e cumpetèntzia in su campu culturali e linguisticu.

Prima de sa data de proclamatzioni de is binchidoris s’at publicai s’elencu cumpretu de is chi cumponint sa Giuria.

### Critèrius de sebera

- Is òperas ant a depi essi iscritas solu in **limba sarda**.
- Is òperas **non depint essi istadas premiadas** in Itàlia o in foras de Itàlia, in liburus, periòdicus, in internet o documentus audiovisivus, ne premiadas o sinnialadas in atrus cuncursus.

## 7. Tzirimònia de premiatzioni.

Is finalistas ant a depi presentziai a sa premiatzioni. In casu de impedimentus est amìtia sa dèlega a una persona incarrigada de su ritiru de su prèmiu.

In sa tzirimònia, chi previdit sa presentatzioni de is òperas amìtias, s’at a protzedi a sa nòmona ufiziali de is binchidoris.

8. **Commenti mandai is òperas.**

Is òperas ant a podi essi ispedias cun racumandada A/R, cun su sistema de autoprestazioni, corrieri, coin 3 còpias, cun sa scheda de partecipazioni; ant a depi arribai, cun sa posta o cunsinnadas a manu, **Autoprestazioni**, a intru de sa dia **29/10/2010** (est bàllidu su timbru de sa posta o sa ricevuta, timbrada e firmada de su chi dd'arrizit, in ui siat iscrita sa data de cunsinnia a manu) a s'indiritzu chi s'ghit: **Comune di Milis, Piazza Marconi, 4 - 09070 (OR)**, in busta serrada in ui ddui siat iscritu in foras, in modu craru, "**Literadura Sarda in Milis" - Milis – 1° ed. 2010**", cun sa **setzioni** a in ui si cherit partetzipai.

S'organizazioni de su cuncursu non tenit peruna responsabilidadi de ritardus o faddincas de is Postas.

9. **Aprontamentu de sa busta e tratamentu de is òperas a pustis de su cuncursu.**

Is òperas e is bustas chi ddas cuntenint ant a depi essi iscritas **chentza de nòminis** e non depint portai sinnius perunus de identificazioni. A intru de una busta manna ddui depint essi **2 bustas** separadas: **una prus manna** cun tres còpias de s'òpera, **una pitica**, serrada, in ui si depit ponni sa scheda de partecipazioni.

In sa scheda de partecipazioni si depit iscri su nòmini e sambenau de s'iscritori, s'indiritzu de residentza e de domu, su Stadu, po nchi bivit in foras de Itàlia, su nùmeru o is nùmerus de telèfunu e, po chi ddu tenit, s'indiritzu de posta eletrònica. In prus, depit essi iscrita sa setzioni a in ui si cherit partetzipai e una dichiarazioni in ui s'atzetant is normas e is cunditionis cuntènnias in custu Regulamentu, po no essi esclùdius de su cuncursu.

Is chi cherint partetzipai a is setzionis a), b) e d) totus paris, in sa busta manna ant a depi ponni 3 bustas prus mannas, una po ònnia òpera (sèmpiri in 3 còpias) e una pitica po sa scheda de partecipazioni, chi est ùnica, fintzas chi si cherit partetzipai a prus setzionis paris.

In sa setzioni c), chi is Iscolas cherint partetzipai cun prus de un'òpera, in sa busta depint ponni tantas bustas mannas, cun un nùmeru, cantu funt is òperas, una po ònnia òpera (in 3 còpias) e tantas bustas piticas cantu funt is classis chi partetzipant, cun su pròpiu nùmeru de is bustas mannas.

Sa Segreteria de su cuncursu aberit is bustas, ponit un nùmeru me is bustas de a intru, arragollit sa busta pitica e cunsinniat cussas chi cuntenint is òperas a sa Giuria chi ddas depit esaminai.

Is òperas no ant a essi torradas ma postas in una setzioni, in paperi e in formau digitali, de sa Biblioteca Comunali de Milis.

Su copyright, chi esistit, depit essi de s'iscritori chi partetzipat a su cuncursu.

In su momentu chi si mandant is òperas a su cuncursu, s'atzetant totu is normas cuntènnias in custu Regulamentu.

10. **Prèmius.**

Is iscritoris de is **2 òperas prus bellas** de ònnia setzioni ant a essi nomonus binchidoris de sa setzioni in ui ant cuncùriu e ant a essi premiaus cun targas.

Un atestau de mèritu at a essi zau a is iscritoris de atras òperas chi ddis meressit.

A totus is iscritoris at a essi cunsinniau un atestau de partecipazioni a su Cuncursu literàriu.

11. **Tempus.**

In su situ de su Comuni de Milis, [www.comunemilis.net](http://www.comunemilis.net), ant a essi sinnialaus is nòmini de is chi ant a essi premiaus, a su mancus degghi dis prima de sa tzirimonia de premiazioni.

Custus ant a essi informaus fintzas cun litera e/o e-mail.

Sa tzirimonia de premiazioni s'at a fai a intru de su mesi de **Nadali 2010**.

12. **Informatzionis.**

Ònnia acraessimentu e informatzioni si podit domandai a S'Ufitziu de sa Limba Sarda de su **Comuni de Milis, Piazza Marconi, 4 - 09070 (OR)**, - tel. 0783 51665 — fax 0783 51680 – o po E-mail a s'indiritzu: [bonariamaroni@gmail.com](mailto:bonariamaroni@gmail.com).

Custu bandu si podit agatai in su situ [www.comunemilis.net](http://www.comunemilis.net).

Milis, 06.07.2010

Sa Responsàbili de su servitziu  
(Dott.ssa Maria Paola Mastinu)

### Informativa segundu is leis in matèria de privacy e tratamentu de is informatzionis personalis

Segundu sa lei 31.12. 1996 n. 675, e de is chi sighint cambiadas segundu su protzedimentu ghiau de custu bandu, si informat ca:

- is finalidadis a in ui funt destinadas is informatzionis arregortas arriguardant seti su protzedimentu po su cuncursu "**Literadura sarda in Milis**, is modus de tratai, fintzas cun su personal computer, arriguardant seti su protzedimentu de custu bandu;

- s'assinniazioni de is datus est facultativu e si presentat in modu prus zustu commentu de òneri, in su sensu ca su chi fait domanda e chi cherit partetzipai a su protzedimentu depit zai is dichiaratzionis domandadas de s'Amministratzioni comunali;

- su rifiutu de arrispondi podit essi motivu de esclusioni de su protzedimentu de su cuncursu;

- is personas o is càtegorias de personas a chi podint essi comunicaus is datus funt: su personali internu a s'Amministratzioni comunali chi est incarrigau de su protzedimentu, atras personas chi ddu domandant e chi partetzipant a su pròpiu protzedimentu, ònnia atra persona chi tenzat s'interessu sengundu sa lei 241/1990 e is cambiamentus e integratzionis chi sighint;

- is diritus chi spetant a s'interessau funt cussus de s'articulu 13 de sa pròpia lei n. 675/ 1996 a in ui si rinviat;

- sa comunicatzioni e sa difusioni de is informatzionis personalis arregortas at a essi fata seti segundu su chi est previdiu de is leis chi arriguardant sa matèria;

- is datus ant a essi trataus segundu sa lei e in modu zustu, in sa tutela de is diritus de is chi partetzipant e poderendi totu riservau, ant a essi arregistraus, aprontaus e arregortus me is archiviis informàticus e/o in paperi;

- su chi fait s'arregorta de is datus est s'Amministratzioni comunali de Milis;

- is informatzionis arregortas segundu su protzedimentu in chistioni ant a essi trataus in s'arrispetu prenu de is leis in vigori chi arriguardant sa tutela de sa privacy.

Milis, 06.07.2010

Sa Responsàbili de su servitziu  
(Dott.ssa Maria Paola Mastinu)